

## Exploring the ancient path in the Buddha's own words -- Lesson 2.1.6

### Cintīsuttaṃ

“Tīṇimāni, bhikkhave, bālassa bālalakkhaṇāni bālanimittāni bālāpadānāni. Katamāni tīṇi? Idha, bhikkhave, bālo duccintitacintī ca hoti dubbhāsītabhāsī ca dukkaṭakammakārī ca. No cedaṃ , bhikkhave, bālo duccintitacintī ca abhaviṣṣa dubbhāsītabhāsī ca dukkaṭakammakārī ca, kena naṃ paṇḍitā jāneyyuma—‘bālo ayaṃ bhavaṃ asappuriso’ti? Yasmā ca kho, bhikkhave, bālo duccintitacintī ca hoti dubbhāsītabhāsī ca dukkaṭakammakārī ca tasmā naṃ paṇḍitā jānanti– ‘bālo ayaṃ bhavaṃ asappuriso’ti. Imāni kho, bhikkhave, tīṇi bālassa bālalakkhaṇāni bālanimittāni bālāpadānāni.

Tīṇimāni, bhikkhave, paṇḍitassa paṇḍitalakkhaṇāni paṇḍitanimittāni paṇḍitāpadānāni. Katamāni tīṇi? Idha, bhikkhave, paṇḍito sucintitacintī ca hoti subhāsītabhāsī ca sukatakammakārī ca. No cedaṃ, bhikkhave, paṇḍito sucintitacintī ca abhaviṣṣa subhāsītabhāsī ca sukatakammakārī ca, kena naṃ paṇḍitā jāneyyuma— ‘paṇḍito ayaṃ bhavaṃ sappuriso’ti? Yasmā ca kho, bhikkhave, paṇḍito sucintitacintī ca hoti subhāsītabhāsī ca sukatakammakārī ca tasmā naṃ paṇḍitā jānanti– ‘paṇḍito ayaṃ bhavaṃ sappuriso’ti. Imāni kho, bhikkhave, tīṇi paṇḍitassa paṇḍitalakkhaṇāni paṇḍitanimittāni paṇḍitāpadānāni.

Tasmātiha, bhikkhave, ‘idaṃ dukkhan’ti yogo karaṇīyo, ‘ayaṃ dukkhasamudayo’ti yogo karaṇīyo, ‘ayaṃ dukkhanirodho’ti yogo karaṇīyo, ‘ayaṃ dukkhanirodhagāminī paṭipadā’ti yogo karaṇīyo”ti.

### ***Aṅguttaranikāyo, Tikanipātapāḷi, Paṭhamapaṇṇāsakaṃ, Bālavaggo***

\*\*\*

bālāpadānāni  
bālalakkhaṇāni  
bālanimittāni  
dukkāṭakammakārī  
no cedaṃ

bālā + padānāni  
bālā + lakkhaṇāni  
bālā + nimittāni  
du+k+kaṭa+kamma+kārī  
na + ca + idaṃ

fool + characteristics  
fool + marks  
fool + signs  
wrong+ done+actions+ doing  
not + and + this here



paṇḍitalakkhaṇāni

paṇḍita + lakkhaṇāni

wise person+ attribute